



Møteprotokoll

Utval: SOGN REGIONRÅD

Møtestad: Sygna vidaregåande skule, Balestrand

Møtedato: 03.05.2018

Tid: 10:00 - 15:45

A. Desse møtte:

Faste medlemmar
Jan Geir Solheim, ordførar Lærdal kommune Noralf Distad, ordførar Aurland kommune Harald N. Offerdal, ordførar Balestrand kommune Petter Sortland, ordførar Høyanger kommune Jon Håkon Odd, ordførar Leikanger kommune Ivar Kvalen, ordførar Luster kommune Jarle Aarvoll, ordførar Sogndal kommune Olav Turvoll, ordførar Vik kommune Sandra Opheim, varaordførar Årdal kommune
Medlemmar
Karina Nerland, dagleg leiar Jarle Skartun, rådmann Luster kommune
Andre
Nils Petter Støyva, distriktssekretær LO Sogn og Fjordane Bekka Skaasheim, fylkesdirektør Sogn og Fjordane fylkeskommune Torill Hauken-Johnstad, seniorskattejurist, Skatteetaten Skatt vest

B. Innkalling godkjent utan merknader.

C. Protokoll frå møtet 13.2.2018 godkjent utan merknader.

D. Ordførarane deltok på entreprenørskapsmessa for ungdomsskuleelevene.

Sakliste

Saksnr.	Arkivsaksnr. Tittel
5/18	18/856 Høyring - Ny konkurranse om regionale ruteflyginger i Sør-Norge frå 01.04.2020
6/18	18/1072 Høyring av rapport frå ekspertutvalet som har vurdert nye oppgåver til fylkeskommunane
7/18	18/1492 Årsmelding og rekneskap 2017
8/18	18/472 Orienteringssaker Sogn regionråd 3.5.2018

Sak 5/18
Høyring - Ny konkurranse om regionale ruteflyginger i Sør-Norge frå 01.04.2020

Tilråding:

Sogn regionråd vedtek følgjande fråsegn:

Eit godt flytilbod ved Sogndal lufthamn Haukåsen er svært viktig for den regionale utviklinga i Sogn og for alle kommunane i Sogn regionråd. Indre Sogn er vertskap for ei rekkje offentlege og private verksemder som har behov for eit godt flytilbod, til dømes Statens vegvesen hovudkontor Region Vest, Direktoratet for forvaltning og IKT (Difi), NAV Økonomitenester, Statkraft, Vestlandsforskning, Hydro, Norsun, Lerum og Veidekke. Alle desse stiller store krav til regularitet og kapasitet.

Dagens tilbod er ikkje godt nok for å skapa vekst og utvikling i regionen. Låg regularitet og få direkteruter gir ikkje eit fleksibelt og godt nok tilbod for offentlege verksemder, for næringsliv med nasjonale og internasjonale marknader, for turismen som vekstnæring i Sogn og for innbyggjarar. Strukturendringane og dei parallelle fusjonsprosessane i regionen vår aukar behovet for eit betre flytilbod.

Sogn regionråd meiner dette må til for å dekke desse behova:

Nattstasjonerte fly

Kommunane i Sogn har over fleire år prioritert arbeidet med å utvikla Sogndal lufthamn, noko som har gitt betre regularitet. Nattstasjonert fly vil sikra regulariteten ytterlegare, og vil gje mykje betre flytilbod for næringsliv og offentlege verksemder i regionen.

Utan nattstasjonerte fly, må det lande fly på Haukåsen før morgonflyet kan ta av. Det skapar ofte forseinkingar og kanselleringar, særleg om vinteren. Med nattstasjonert fly på Haukåsen vil vi få sikre avgangar på morgonen og reisande kan stole på at morgonflyet går. Dei treng ikkje finna andre reisemåtar eller ta kveldsflyet dagen før. I tillegg vil vi få fleire plassar til rådvelde frå Sogndal, utan halvfulle fly frå Sandane. I dag er morgonflyet frå Sogndal ofte fullt, og mange må reise på andre tider eller på andre måtar. Stabile avgangar på morgonen vil gje auka etterspurnad. Dette vil også kunne gi høgare kabinfaktor på returfly til Sogndal.

Fleire direkteruter

Folk vil ha direkteruter. Mellomlandingar tar unødvendig mykje tid og folk vel andre reisemåtar. Det ser vi tydeleg etter at direkteruta mot Oslo klokka 13.30 vart fjerna. Dette har vore den best nytta flyginga frå Haukåsen. I desember 2017 begynte denne ruta å gå om Florø, og auka flytida frå 50 minuttar til 1 time og 55 minuttar. Dette har nesten halvert trafikken på denne avgangen.

Det same ser vi i helgane. Å fly til Oslo laurdag via Ørsta/Volda tek 1 time og 50 minuttar, og blir ikkje eit reelt alternativ. Det går ingen fly mot Bergen på laurdagar.

Returruter som gir ein «normal» arbeidsdag

Med ein høgskule, fylkeskommune og Fylkesmannsembete i samanslåing vil behovet for betre flysamband mot Bergen auka i åra som kjem. Mot Oslo vil behovet alltid vere der, då mange hovudkontor og fagmiljø er lokalisert i hovudstaden, samtidig som mange reisande må via Gardermoen for reise til inn- og utland.

Returflytilbodet til Sogndal i dag gjer det vanskeleg å korrespondere med andre fly, både innland og utland. Første fly heim frå Oslo eller Bergen etter normal arbeidstid går klokka 20.00. Køyrrer ein frå Bergen klokka 16.00, er ein heime før flyet landar. Dette vert òg nemnd i rapporten frå Møreforsk (s.30) at «... turen tilbake til Sogndal er mer problematisk enn utreisen ...». Utan eit godt returtilbod frå storbyane, blir det mindre attraktivt å reise ut med tidlegare fly.

Flyplasstilbudet er svært viktig for å sikra vekst og utvikling i Sogn. Sogn regionråd meiner følgjande må leggjast til grunn ved utforming av anbodsgrunnlaget:

1. Vilkår om nattstasjonert fly ved Sogndal lufthamn Haukåsen i komande konsesjonsrunde.
2. Fleire direkteruter til og frå Sogndal.
3. Returrutene bør gje reisande betre moglegheit for å ta dagsturar til Oslo og Bergen.

Handsaming

Det kom framlegg om tilføyning som rådet slutta seg til: Regionreforma og høgskulefusjonen gjer at Leikanger/Sogndal vert ein viktig administrasjonsstad for den nye regionen. Dette fører til auka behov for betre rutetilbod og betre korrespondanse på avgangar mellom Sogndal og Bergen.

Vedtak:

Sogn regionråd vedtek følgjande fråsegn:

Eit godt flytilbod ved Sogndal lufthamn Haukåsen er svært viktig for den regionale utviklinga i Sogn og for alle kommunane i Sogn regionråd. Indre Sogn er vertskap for ei rekkje offentlege og private verksemder som har behov for eit godt flytilbod, til dømes Statens vegvesen hovudkontor Region Vest, Direktoratet for forvaltning og IKT (Difi), NAV Økonomitenester, Statkraft, Vestlandsforskning, Hydro, Norsun, Lerum og Veidekke. Alle desse stiller store krav til regularitet og kapasitet.

Dagens tilbod er ikkje godt nok for å skapa vekst og utvikling i regionen. Låg regularitet og få direkteruter gir ikkje eit fleksibelt og godt nok tilbod for offentlege verksemder, for næringsliv med nasjonale og internasjonale marknader, for turismen som vekstnæring i Sogn og for innbyggjarar. Strukturendringane og dei parallelle fusjonsprosessane i regionen vår aukar behovet for eit betre flytilbod.

Sogn regionråd meiner dette må til for å dekke desse behova:

Nattstasjonerte fly

Kommunane i Sogn har over fleire år prioritert arbeidet med å utvikla Sogndal lufthamn, noko som har gitt betre regularitet. Nattstasjonert fly vil sikra regulariteten ytterlegare, og vil gje mykje betre flytilbod for næringsliv og offentlege verksemder i regionen.

Utan nattstasjonerte fly, må det lande fly på Haukåsen før morgonflyet kan ta av. Det skapar ofte forseinkingar og kanselleringar, særleg om vinteren. Med nattstasjonert fly på Haukåsen vil vi få sikre avgangar på morgonen og reisande kan stole på at morgonflyet går. Dei treng ikkje finna andre reisemåtar eller ta kveldsflyet dagen før. I tillegg vil vi få fleire plassar til rådvelde frå Sogndal, utan halvfulle fly frå Sandane. I dag er morgonflyet frå Sogndal ofte fullt, og mange må reise på andre tider eller på andre måtar. Stabile avgangar på morgonen vil gje auka etterspurnad. Dette vil også kunne gi høgare kabinfaktor på returfly til Sogndal.

Fleire direkteruter

Folk vil ha direkteruter. Mellomlandingar tar unødvendig mykje tid og folk vel andre reisemåtar. Det ser vi tydeleg etter at direkteruta mot Oslo klokka 13.30 vart fjerna. Dette har vore den best nytta flyginga frå Haukåsen. I desember 2017 begynte denne ruta å gå om Florø, og auka flytida frå 50 minuttar til 1 time og 55 minuttar. Dette har nesten halvert trafikken på denne avgangen.

Det same ser vi i helgane. Å fly til Oslo laurdag via Ørsta/Volda tek 1 time og 50 minuttar, og blir ikkje eit reelt alternativ. Det går ingen fly mot Bergen på laurdagar.

Returruter som gir ein «normal» arbeidsdag

Med ein høgskule, fylkeskommune og Fylkesmannsembete i samanslåing vil behovet for betre flysamband mot Bergen auka i åra som kjem. Mot Oslo vil behovet alltid vere der, då mange hovudkontor og fagmiljø er lokalisert i hovudstaden, samtidig som mange reisande må via Gardermoen for reise til inn- og utland.

Returflytilbodet til Sogndal i dag gjer det vanskeleg å korrespondere med andre fly, både innland og utland. Første fly heim frå Oslo eller Bergen etter normal arbeidstid går klokka 20.00. Køyre ein frå Bergen klokka 16.00, er ein heime før flyet landar. Dette vert òg nemnd i rapporten frå Møreforsk (s.30) at «... turen tilbake til Sogndal er mer problematisk enn utreisen ...». Utan eit godt returtilbod frå storbyane, blir det mindre attraktivt å reise ut med tidlegare fly.

Regionreforma og høgskulefusjonen gjer at Leikanger/Sogndal vert ein viktig administrasjonsstad for den nye regionen. Dette fører til auka behov for betre rutetilbod og betre korrespondanse på avgangar mellom Sogndal og Bergen.

Flyplasstilbodet er svært viktig for å sikra vekst og utvikling i Sogn. Sogn regionråd meiner følgjande må leggjast til grunn ved utforming av anbodsgrunnlaget:

1. Vilkår om nattstasjonert fly ved Sogndal lufthamn Haukåsen i komande konsesjonsrunde.
2. Fleire direkteruter til og frå Sogndal.
3. Returrutene bør gje reisande betre moglegheit for å ta dagsturar til Oslo og Bergen.

Sak 6/18
Høyring av rapport frå ekspertutvalet som har vurdert nye oppgåver til fylkeskommunane

Tilråding:

Sogn regionråd vedtek følgjande fråsegn:

Sogn regionråd støttar ekspertutvalet sine utvida retningslinjer for overføring av oppgåver frå staten til det regionale nivået. Rådet meiner framlegg til overføringar skulle ha kome tidleg i reforma og føreset no at det vert ei heilskapleg handsaming av framlegget i Stortinget, i god tid før den nye regionstrukturen tek til å gjelde.

Rådet meiner oppgaveoverføringa er eit heilt sentralt element i reforma og heilt nødvendig for å desentralisera makt, tydeleggjera politisk ansvar og utvikla det regionale demokratiet. Å samla desse oppgåvene i eitt folkevalt organ og under éin administrasjon, vil kunne gje meir samordna offentleg verkemiddel- og ressursbruk og betre tenester til innbyggjarane og næringslivet.

Rådet meiner det no hastar med å ta opp att overføring av fleire oppgåver frå regional stat og fylkeskommunen til primærkommunane. Kommunereforma – med fleire større kommunar – gjer dette aktuelt alt frå 2020.

Sogn regionråd vil understreke at det med oppgåvene må følgje full avgjerdsmynde, fornuftige økonomiske rammer og rom til å bygge gode fagmiljø.

Rådet er samd med utvalet i at overføringa særleg må skje innan for dei tre store politikfelt:

- *Arealbruk, naturverdiar, miljø/klima og samferdsle.*
- *Verkemiddel for næringsutvikling og kompetanse.*
- *Verkemiddel og tenesteoppgåver som er viktige for folk sin helse, trivsel og levekår.*

På desse politikfelt må oppgåveløysinga både vera kostnadseffektiv og skje så nær innbyggjarane som mogeleg. Rådet stør difor prinsippet om at fylkeskommunen får forvaltningsansvar for alle relevante tilskots- og prosjektmidlar innanfor dei oppgåveområda som vert overførde, og som i dag ligg til departement, direktorat og fylkesmenn.

Rådet er samd med utvalet i at statleg tilsyn bør vera betre samordna og i større grad løyst gjennom gode internkontrollrutinar i fylkeskommunen.

Sogn regionråd vil åtvare mot å gjera dei nye regionane til overkommunar. Det gjeld t.d.:

- *Oppgåver som føreset eit nasjonalt heilskapsgrep og som ikkje skal verta påverka av regional- eller lokalpolitiske tilhøve.*
- *At fylkeskommunen med heimel i plan- og bygningsloven trer inn i kommunestyret si mynde og får høve til å utarbeida juridisk bindande kommunale planar.*

Rådet meiner likevel det er naturleg at ansvaret for planjuridisk rettleiing av kommunane vert ført over frå fylkesmannen til fylkeskommunen.

Rådet meiner utflytting av statlege arbeidsplassar med nasjonale oppgåver så langt har vore på eit absolutt minimum, men likevel viktig for dei kommunane der dei er lokaliserte. Det er difor nødvendig å vera ekstra varsam med å bryta opp verksemder og fagmiljø med nasjonale oppgåver som alt er lokalisert utanfor Oslo og dei større byane.

Innanfor politikkområdet *samferdsle* er rådet samd med utvalet i overføringa av TT-ordninga og forvaltning av tilskot til breibandutbygging.

Når det gjeld sams vegadministrasjon stør rådet dei ønskemåla Stortinget tidlegare har oversendt regjeringa. Det er rett å føra regional vegadministrasjon, med ansvar for planlegging og drift av fylkesvegane, over frå Statens vegvesen til regionalt folkevalt nivå.

Innanfor *næring, kompetanse og integrering* meiner rådet det er særst viktig å styrka fylkeskommunen som regional utviklingsaktør og er derfor samd i:

- *Styrking av oppdragsgivaransvaret og den fylkeskommunale eigarskapen i Innovasjon Noreg.*
- *Flytta ansvar for Regionalt næringsprogram og overføra IBU-midlane til fylkeskommunen og Innovasjon Noreg.*
- *Overføra monalege ressursar frå Norsk forskingsråd til dei regionale forskingsfonda.*
- *Leggja ned SIVA og overføra oppgåvene til fylkeskommunen.*
- *Leggja ned Kompetanse Noreg og IMDi og overføra oppgåvene som følgje av nedlegginga.*

Rådet er samd med utvalet i at ressursforvaltning innanfor akvakultur og mineralutvinning i all hovudsak blir som den er i dag.

Innanfor kraftutbygging bør fylkeskommunen få utvida mynde til og å gje konsesjon til små vasskraftverk (1-10 MW) og store vindkraftanlegg (over 1 MW/fem turbinar).

Innanfor politikkområdet *klima, miljø og naturressursar* stør rådet at fylkeskommunen får eit regionalt samordningsansvar på klimaområdet etter den nye klimaloven.

Flytting av det som i dag er fylkesmannen sitt ansvar innan naturforvaltning (artsforvaltning og verneområdeforvaltning), friluftsliv og klima/klimatilpassing er òg naturleg. Fylkeskommunen bør dessutan ta over relevante tilskotsordningar frå Miljødirektoratet og ansvaret frå fylkesmannen i rettleiing av kommunane i saker om motorferdsel i utmark.

Innanfor politikkområdet *helse og levekår* meiner rådet dei regionale folkehelseoppgåvene som i dag ligg hjå fylkesmannen, med unnatak av sjølve tilsynet, vert samla i fylkeskommunen. Dei regionale og nasjonale tilskotsordningane bør følgje med. Eitt folkevalt organ og éin administrasjon vil kunne styrka denne tenesta både politisk, administrativt og fagleg.

Det går fram av ekspertutvalet sin rapport at politikkområdet *kultur og kulturminnevern* er prega av:

- *Mange detaljerte og sentraliserte tilskotsordningar forvalta av Kulturdepartementet, Nork kulturråd, Arkivverket, Nasjonalbiblioteket og Riksantikvaren.*
- *Kulturdepartementet sin sentraliserte prosjekt- og driftsfinansiering av mange regionale institusjonar.*

Fylkeskommunen er alt no sentral i sakshandsaminga av tilskota og ofte med i finansieringa av dei regionale institusjonane. Sogn regionråd meiner derfor ei regional forvaltning er meir naturleg og dessutan kostnadseffektiv med m.a. redusert dobbeltarbeid og forenkla rapportering. Rådet er òg samd i at førstelineoppgåvene på kulturminnefeltet vert lagt til fylkeskommunen.

Sogn regionråd meiner at behovet for nærleik til brukarane og tett dialog med fleire kommunale tenester som t.d. skule, barnehage og primærhelseteneste gjer at det ikkje er nødvendig å vurdere å gjera barneverntenesta fylkeskommunal. Tenesta bør framleis vera kommunal eller interkommunal.

Rådet stør utvalet sitt framlegg om ny vurdering av organiseringa av spesialisthelsetenesta, der ein fylkeskommunal modell er med i utgreiinga. Det er dessutan naturleg å greie ut fylkeskommunen sin rolle innanfor samordning av brann- og ulukkesberedskap og internasjonalisering.

Handsaming

Det kom framlegg om å følgjande endringar som rådet slutta seg til:

- Endra 2. setning til: Rådet føreset no at det vert ei heilskapleg handsaming av framlegget i Stortinget, i god tid før den nye regionstrukturen tek til å gjelde.
- Siste setning: Det er dessutan naturleg å greie ut overføring av statleg ansvar til fylkeskommunen innanfor samordning av brann- og ulukkesberedskap og internasjonalisering.

Vedtak:

Sogn regionråd vedtek følgjande fråsegn:

Sogn regionråd støttar ekspertutvalet sine utvida retningslinjer for overføring av oppgåver frå staten til det regionale nivået. Rådet føreset no at det vert ei heilskapleg handsaming av framlegget i Stortinget, i god tid før den nye regionstrukturen tek til å gjelde.

Rådet meiner oppgaveoverføringa er eit heilt sentralt element i reforma og heilt nødvendig for å desentralisera makt, tydeleggjera politisk ansvar og utvikla det regionale demokratiet. Å samla desse oppgåvene i eitt folkevalt organ og under éin administrasjon, vil kunne gje meir samordna offentleg verkemiddel- og ressursbruk og betre tenester til innbyggjarane og næringslivet.

Rådet meiner det no hastar med å ta opp att overføring av fleire oppgåver frå regional stat og fylkeskommunen til primærkommunane. Kommunereforma – med fleire større kommunar – gjer dette aktuelt alt frå 2020.

Sogn regionråd vil understreke at det med oppgåvene må følgje full avgjerdsmynde, fornuftige økonomiske rammer og rom til å bygge gode fagmiljø.

Rådet er samd med utvalet i at overføringa særleg må skje innan for dei tre store politikfelt:

- *Arealbruk, naturverdiar, miljø/klima og samferdsle.*
- *Verkemiddel for næringsutvikling og kompetanse.*
- *Verkemiddel og tenesteoppgåver som er viktige for folk sin helse, trivsel og levekår.*

På desse politikfelt må oppgaveløysinga både vera kostnadseffektiv og skje så nær innbyggjarane som mogeleg. Rådet stør difor prinsippet om at fylkeskommunen får forvaltningsansvar for alle relevante tilskots- og prosjektmidlar innanfor dei oppgaveområda som vert overførde, og som i dag ligg til departement, direktorat og fylkesmenn.

Rådet er samd med utvalet i at statleg tilsyn bør vera betre samordna og i større grad løyst gjennom gode internkontrollrutinar i fylkeskommunen.

Sogn regionråd vil åtvare mot å gjera dei nye regionane til overkommunar. Det gjeld t.d.:

- *Oppgåver som føreset eit nasjonalt heilskapsgrep og som ikkje skal verta påverka av regional- eller lokalpolitiske tilhøve.*
- *At fylkeskommunen med heimel i plan- og bygningsloven trer inn i kommunestyret si mynde og får høve til å utarbeida juridisk bindande kommunale planar.*

Rådet meiner likevel det er naturleg at ansvaret for planjuridisk rettleiing av kommunane vert ført over frå fylkesmannen til fylkeskommunen.

Rådet meiner utflytting av statlege arbeidsplassar med nasjonale oppgåver så langt har vore på eit absolutt minimum, men likevel viktig for dei kommunane der dei er lokaliserte. Det er difor nødvendig å vera ekstra varsam med å bryta opp verksemder og fagmiljø med nasjonale oppgåver som alt er lokalisert utanfor Oslo og dei større byane.

Innanfor politikkområdet *samferdsle* er rådet samd med utvalet i overføringa av TT-ordninga og forvaltning av tilskot til breibandutbygging.

Når det gjeld sams vegadministrasjon stør rådet dei ønskemåla Stortinget tidlegare har oversendt regjeringa. Det er rett å føra regional vegadministrasjon, med ansvar for planlegging og drift av fylkesvegane, over frå Statens vegvesen til regionalt folkevalt nivå.

Innanfor *næring, kompetanse og integrering* meiner rådet det er særst viktig å styrka fylkeskommunen som regional utviklingsaktør og er derfor samd i:

- *Styrking av oppdragsgivaransvaret og den fylkeskommunale eigarskapen i Innovasjon Noreg.*

- *Flytta ansvar for Regionalt næringsprogram og overføra IBU-midlane til fylkeskommunen og Innovasjon Noreg.*
- *Overføra monalege ressursar frå Norsk forskingsråd til dei regionale forskingsfonda.*
- *Leggja ned SIVA og overføra oppgåvene til fylkeskommunen.*
- *Leggja ned Kompetanse Noreg og IMDi og overføra oppgåvene som følgje av nedlegginga.*

Rådet er samd med utvalet i at ressursforvaltning innanfor akvakultur og mineralutvinning i all hovudsak blir som den er i dag.

Innanfor kraftutbygging bør fylkeskommunen få utvida mynde til og å gje konsesjon til små vasskraftverk (1-10 MW) og store vindkraftanlegg (over 1 MW/fem turbinar).

Innanfor politikkområdet *klima, miljø og naturressursar* stør rådet at fylkeskommunen får eit regionalt samordningsansvar på klimaområdet etter den nye klimaloven.

Flytting av det som i dag er fylkesmannen sitt ansvar innan naturforvaltning (artsforvaltning og verneområdeforvaltning), friluftsliv og klima/klimatilpassing er òg naturleg. Fylkeskommunen bør dessutan ta over relevante tilskotsordningar frå Miljødirektoratet og ansvaret frå fylkesmannen i rettleiing av kommunane i saker om motorferdsel i utmark.

Innanfor politikkområdet *helse og levekår* meiner rådet dei regionale folkehelseoppgåvene som i dag ligg hjå fylkesmannen, med unnatak av sjølve tilsynet, vert samla i fylkeskommunen. Dei regionale og nasjonale tilskotsordningane bør følgje med. Eitt folkevalt organ og éin administrasjon vil kunne styrka denne tenesta både politisk, administrativt og fagleg.

Det går fram av ekspertutvalet sin rapport at politikkområdet *kultur og kulturminnevern* er prega av:

- *Mange detaljerte og sentraliserte tilskotsordningar forvalta av Kulturdepartementet, Norsk kulturråd, Arkivverket, Nasjonalbiblioteket og Riksantikvaren.*
- *Kulturdepartementet sin sentraliserte prosjekt- og driftsfinansiering av mange regionale institusjonar.*

Fylkeskommunen er alt no sentral i sakshandsaminga av tilskota og ofte med i finansieringa av dei regionale institusjonane. Sogn regionråd meiner derfor ei regional forvaltning er meir naturleg og dessutan kostnadseffektiv med m.a. redusert dobbeltarbeid og forenkla rapportering. Rådet er òg samd i at førstelineoppgåvene på kulturminnefeltet vert lagt til fylkeskommunen.

Sogn regionråd meiner at behovet for nærleik til brukarane og tett dialog med fleire kommunale tenester som t.d. skule, barnehage og primærhelseteneste gjer at det ikkje er nødvendig å vurdere å gjera barneverntenesta fylkeskommunal. Tenesta bør framleis vera kommunal eller interkommunal.

Rådet stør utvalet sitt framlegg om ny vurdering av organiseringa av spesialisthelsetenesta, der ein fylkeskommunal modell er med i utgreiinga. Det er dessutan naturleg å greie ut overføring av statleg ansvar til fylkeskommunen innanfor samordning av brann- og ulukkesberedskap og internasjonalisering.

Sak 7/18
Årsmelding og rekneskap 2017

Tilråding:

Sogn regionråd vedtek årsmelding og rekneskap for 2017.

Handsaming

Administrasjonen hadde følgjande retting av punkt 3.2. Det står att kr 5 922 328 på fond pr 31.12.2017.

Som ifjor vert det utarbeidd ein kortversjon som kommunane kan leggja på nettsida.

Vedtak:

Sogn regionråd vedtek årsmelding og rekneskap for 2017 med rettinga som kom i møtet.

Sak 8/18
Orienteringssaker Sogn regionråd 3.5.2018

1. Leiar
 - a. Stamvegutvalet
2. Innspel frå medlemmane
 - a. Etablering av sjøredningskorps i Leikanger
3. Arbeidsgruppene
 - a. Helsegruppa
 - i. MR-maskin ved Lærdal sjukehus – gravinga er påbegynt
 - ii. Ultralyd og audiograf - arbeidet held fram
4. Rådmannsgruppa
 - a. Prosjektrådmann for nye Sogndal kommune er med i rådmannsgruppa
 - b. Arbeidsgjevarkontroll
5. Administrasjonen
 - a. Legevaktpiloten – fylkesdekkande arbeidsgruppe som arbeider med søknad.
 - b. Ultralyd og audiograf – I det vidare arbeidet mot Helse Førde vil noko av dei ubrukne midlane frå ROS-analysen brukast til tenestekjøp.
 - c. Prehospital plan – det vil bli førebudd ei fråsegn frå regionrådet
 - d. Møte i næringsnettverket 25. april der mellom anna rolle og oppgåvedeling mellom Visit Sognefjord og dei som jobbar med kommunal næringsutvikling vart drøfta.
6. Partnerskapsmøte om fleire læreplassar i Sogn
Jan Geir Solheim, Nils Petter Støyva og Bekka Skaasheim orienterte om status og tiltak. Presentasjonar er lagt ved. Det har vore god utvikling i tal læreplassar sidan partnerskapsavtalen vart inngått i 2016. Det er framleis behov for fleire læreplassar. Rådet ønsker vidareføring av partnerskapsavtalen og at den vert politisk forankra i kommunane, til dømes i formannskapet. Rådmannsgruppa blir bedne om å førebu dette og vurdere om måltal i avtalen kan aukast.
7. Arbeidsgjevarkontrollen i Sogn - observasjonar og tilrådingar frå Skatt vest
Torill Hauken-Johnstad orienterte om Skattekontoret si rolle og utfordringar for Sogn. Presentasjonen er lagt ved. Rådmannsgruppa blir bedne om å greia ut løysingar for å

få ein fagleg forsvarleg arbeidsgjevarkontroll. Skatt vest kan hjelpa til med grunnlagsdata.

Skriv og meldingar. Refererte.

1. Rapport Sogndal kommune Vertskapskommune for offentlege arbeidsplassar
2. Ultralydundersøkingar for gravide ved Lærdal sjukehus, 5.3.2018
3. Omfanget av leveringspliktige posttenester - til Samferdselsdepartementet, 21.3.2018
4. Forslag om fjerning av regionråd som namn - til Kommunal- og forvaltningskomiteen, 10.4.2018
5. Høyringsbrev prehospitale tenester fase 1 frå Helse Førde 17.4.2018.

Jan Geir Solheim
leiar

Jon Håkon Odd

Olav Turvoll

Karina Nerland
dagleg leiar